

宋

會

要

宋會要

國子監

國子監掌經術教授薦送之事開祭酒司業則以朝官判監事祭酒一人
秩從四品司業一秩正六品丞一人秩正八品主簿一人秩從八品太學
博士三人秩從八品學正一人秩正九品學錄一人秩正九品元豐二十
六年增正錄各一人三十一年減博士一人正錄各一人國子博士一人
秩從八品正錄各一人秩正九品書庫官一人三十一年減罷武學博士
一人秩從八品教諭一人秩正九品案有三曰廚庫掌太學錢糧及頒降
書籍條冊曰學案掌文武學公私補試上舍發解試升補考選行藝曰知
雜掌監學雜務等吏頭胥長一人胥史一人胥佐六人貼書六人二十六
年罷胥史一人胥佐一人減貼書二人太祖建隆三年六月詔文宣王
廟依儀制令立戟十六支是月以國子監初開讀書賜判監左諫議大夫
崔頌并監生酒果太宗太平興國九年六月詔國子監所解舉人自今
但員勤苦有父兄居官食祿不在本貫鄉里居止監司諸知行止便可收
補發解不必附監聽讀即不得收不係食祿之家雍熙三年十一月以
國子監丞胡令問清州錄事參軍李說為右贊善大夫國學校勘四年
十月詔國子監應貢書價錢依舊置帳本監支用三司不得管係至道二

八月國子監請畫三禮圖於壁從之明年七月畫畢因詔文宣王十哲

七十二賢像並加繪飾三年十二月詔國子監經書外州不得私造印

板宋史太宗紀淳化五年十一月丙寅上幸國子監賜直講孫奭五品服

因幸武成王廟復幸國子監令奭講尚書說命三篇至事不歸古以克永

世匪說後周上曰誠哉是言也上意改切劘稱臣因嘆曰天以良弼養商

朕獨不得耶遂飲從官酒別賜奭朱帛真宗景德二年五月真宗幸國子

監召從臣學官賜座歷覽書庫觀群書漆板及匠者模刻問祭酒邢昺曰

國初印板止及四十今僅至十萬經史義疏悉備曩時儒生中能具書疏

者百無一二縱得本而力不能繕寫今士庶家藏典籍者多矣乃儒者連

時之幸也真宗曰雖國家崇尚儒術然非四方無事亦何以臻此且以書

庫迫隘與錢俶居第相接因命易第中隙地十步以益之十一月命翰林

侍講學士邢昺戶部侍郎張雍龍圖閣待制杜鎬諸王府侍講孫奭於京

朝幕職州縣官中為儒術該博士行端良堪充國子監直講者十人太子

洗馬張穎等試經義于學士院而命之川所薦也三年五月詔國子監學

官科殘並文見錢山堂考索景德四年二月癸酉詔而京建太祖神御又

置國子監武成王廟祥符二年四月辛卯命國子監舉成勤詞學經明行

修進士諸科各十八人前詔上開封府治所通州軍至是本監上言故及之
四年二月詔河南府規度地位修建國學候成日當置學官講說并賜經
書大中祥符二年四月二十四日詔國子監學官每夜給一員押宿二十
八日詔凡補應出身求差遣者須先於國學聽讀二年滿日具名牒審官
院試驗如年及二十五以上不願在監聽讀者依敕考試所業具名以聞
五年九月十五日詔國學見印經書降付諸路出賣計綱讀領所有價
錢於軍資庫送納十六日國子監請就文宣王殿北閣閣藏太宗皇帝御
書及以皇帝御製祥瑞論勤政論俗吏辨刻石從之 明年六月閣上梁
命近臣臨觀設會帝作七言詩賜之又賜二帝御書御集模本太宗墨迹
銷金扇四秋之間上詔王曾撰記 七年四月詔步軍司選神衛刺員十
人節級一人赴國子監洒掃不得別有占役月給粥菜錢二百文 六月
十六日以三班奉職鄭檢為襄州鄆城縣主簿國子監說書檢明經善誦
朝士以其名聞試于國學而命焉 八月詔國子監學士應子弟在監習
業者除實足開封府外每人召京朝官二人為保識然後收試其保官須
具印狀赴監 天禧五年五月詔自今國子監止差官兩員至列時三司
使李士衡為其子奉禮郎丕旦求掌國學事詔不許因條約焉 七月內

殿承制兼管勾國子監劉崇起言本監管經書六十六件印板內孝經論語爾雅禮記春秋文選初學記六帖韻對爾雅釋文等十件年深訛闕字體不全有坊印造作禮部貢院取到孝經論語爾雅禮記春秋皆李鶚所書舊本乞差直講官重看編本彫造內文選只是五臣注本切見李善所注該博乞令直講官校本別雖李善注本其初學記六帖韻對爾雅釋文等四件須重寫雕印並從之儒學學士張文節公初為龍圖閣待制次判國子監與余問王魏公國子清閣無聽事知白堂不長於治政故自使郭魏公對知白傳學通曉民政但其所守素清而急於進取爾上曰若此王好為中執法乃命以右諫議大夫除御史中丞上用人如此京師人結閣所以召至多也文節以龍圖閣待制知書院官所察在京刊板出知青州還到知龍圖閣上監此云初為龍圖閣待制次判國子監非也乾熙元年仁宗即位未改元十一月命龍圖閣直學士馮元同判國子監自今更不差近下京朝官管當初近臣子弟在京朝官者多求監事至是始有釐正正山堂書錄五牛國子監舊制皆用近臣及宿儒典領近歲頗任貴遊子弟之初任者與管庫資序畧均壬辰始命馮元同判國子監仍詔自今無得差補蓋京朝官仁宗天聖元年八月國子監言本監書庫雖有學官及

牒禮部

口且判宗起等自監明管司又據宗起等各有奏職軍曾判監請以嚴頭
宗愈等監從之仍令宗起等從衆長編大聖元年冬十月癸亥地國子監
進士解通二十八人三年二月國子監言準中書劄子文選六帖初學記韻
對四時纂要齊民要術等印板今本監出賣今詳上件文選初學記六帖
韻對並抄集小說本監不合印賣今舊板訛闕欲更不雕造從之十月
二十四日判國子監孫興馮元等言近召河南縣主簿郭禎充直講却令
發遣歸任所闕直講別擇官以聞臣等知禎文學優長履行修謹欲望且
令在監分經講誦詔以禎爲國學說書仍詔自今於參選入內保奏不得
由差見在任官四年九月十二日詔講學文廢數卷者不知經義蓋激
勸之未至也詔判監孫興馮元於外任京朝官中同奏舉三五人深明經
義長於講說歷任無人已賊罪者具名已聞十六日詔特舉南省考試
諸科舉人令貢院召明習經義長於講說及三經已上者於試官處量行
試問如實明經者即具姓名以聞送國子監在行試驗誠有可採當與苑
樞九年詔重脩國子監命內侍張懷言宋永誠典作又以禮賢宅西北
隅地并舍宇賜本監以廣學室景祐二年三月十三日入章閣待制孫
祖德言竊以國子監房廊殿宇印板書籍家事不少欲乞於直講京官內

差一員充監丞主簿公事詔於學官內差兼領仍於在監京朝官內選定以聞五年四月二十五日判國子監鄭義乞蓋講書并更衣殿從之長編天聖七年八月甲午詔國子監進士日限以五十人為額寶元二年十月十三日侍御史方偁言今後所舉京朝官幕職州縣官充國子監直講乞歷任中不曾犯私罪或公罪杖以下者方許保薦及就轉京朝官後再供職四年許理為一任其見在監京朝官亦乞勘會舉到監及就轉後年月施行詔自今改官後供職四年只與外任差遣從之康定元年正月七日判國子監葉清臣言乞於開封府管內揀田五十頃充學糧本監差官給納從之六月五日葉清臣又言今後國子監學官有闕合本監官於外任州縣幕職官內舉實有文行者免詔從之其天章閣侍講諸王府侍講諸宮教授伴讀說書自今並不得兼國子監直講之職慶曆元年五月同管勾國子監梁通言近制不監舉人無戶籍者聽召京朝官有出身者保三人無出身者保二人今秋賦在近而遠方寒士難於求保欲請應見任并任致幕職州縣官非技術流外及歷任無職人並聽為保從之長編天聖元年八月癸巳詔國子監今所舉進士諸科各得增二十人三年二月國子監言自今備說書官請以四人為定額及歲所試監生不

合格且留聽講三試不中者黜之仍請立四門學以士庶子弟爲生員以
廣招延之路遂從之 十月詔以玉清昭應宮田二十二頃賜國子監
四年二月七日詔以上清宮田園邸店賜國子監 又補慶曆四年十一月
戊午朔刊國子監令請言臣伏見先降勅命令貢舉條制國子監生徒聽
讀滿五百日方許取應每十人之中與解三人其諸路州軍府監並各立
學文置孫學教貢人並以入學所習三百日舊得解人百日已上言許取
應流來雖有勅命曾到府舉人與免聽讀內新人類有事故給讀並與勸
會除破其如今非置一難以久行因以國家興是學校所以將入貢後考
而訓導之由是廣學宮頒學田使其專心道義以思入官之術伏緣朝廷
所賜莊園房殿等項之有限而求者無窮若滿加乘於則支費不貲若自
營口腹則資費者衆口有定數不敷不來求其本心同於輸役古之勸學
如不如此立以爲廣賢舍所以待有志之士去日限所以寬貧貧之人國
家有廣賢之風寒士得進趨之便欲已應與子監太學生徒如有情願聽
讀滿五百日即依先降勅命將來取解十人之中與解三人其不滿五百
日者並依舊額取解應舉所有開封府及天下州軍立州學處未取清願
聽讀更不限以日數所貢舉士學生務學不失其所乃詔罷天下學官員

地設日限十二月戊戌詔自今解脩進士太學以五百人開封府以百人
為額直制開封府三百三十五人國子監百六十八人熙寧八年公為一以
解額通取至是復分而太學生數多故稍開封府以益之 皇祐四年五
月六日詔國子監直講今後須選舉通明經義德行純至有老成之器年
四十以上可與胄子為模範者充太學博士京師浮薄之輩多依附近臣薦充此
職講讀之地殆以虛設故有是詔 五年七月詔國子監知監生多以
補賸質管於人使流寓無行之士冒試於有司其加察驗之 皇祐五年七
月戊子又詔開封府國子監進士自今每一百人解十五人其試官親嫌
今府監主司進若而處俱有親嫌即送別頭 至和二年十二月十八日詔
國子監自今學官改官後以三年為一任願留者聽之仍不理資考 嘉
祐三年五月管勾國子監吳中復言舊制每遇科場則補試廣文太學館
監生近詔間歲貢舉須前一年補試比至科場多就京師私買監牒為名
就試及旋冒歲內戶貫以圖進取非所以待遠方孤寒之意請自今遇科
場補試監生如故仍以四百五十人為額從之 七月詔國子監生員總
四百五十人而遠方孤寒之士多在京師其更增一百五十人 四年七
月以秘書省校書郎致仕孔洙為國子監直講以近臣言其素有行義而

命之 九月十九日管勾國子監范師道言本監元額學官八人見止六人伏見應制科錢藻項國應舉講書中等已有朝旨候一任起與直講近應中制科致乞令藻帶新官赴監說書從之

宋會要

英宗治平二年七月以三班差使殿侍蔣公度為和州府學推官充國子監直講以宰臣韓琦言其守道甚篤文章雖奇略逸故也 三年四月詔今後補試監生只就六月內了當更不許舉人陳狀已展限從國子監請也先是元年補到監生六百人有百一十道至三年無人請領又去失二十道勅會自來補試只於六月內了結監牒上姓名三代取候舉人來請時投書填給付近歲為多在七月比舉則已領試院遂為預書之乃幾有餘因緣生弊仍有是請 是月國子監直講蔡錡言本監有元年所餘監牒一百六十道無人請領蓋舉人多有占籍閑封府而無意求補聊隨眾就試或復失帶無藝之人同在場屋故奏名之後却不得領虛名人頭檢會祥符三年本監奏稱六典學生初入學行未得之禮於其師國初以來但稱為生者即納束脩二十局監司公用又言監生及第後納錢謂之光監然實是初入學見師之禮本非光監乞令舉人補監生並各先

納錢二十方許就試如此則非實願補試必不肯至若補中更不納光監
錢從之六月國子監言本監每月支舊書庫費錢充衆官食錢庫子
糧課利員贖菜錢并編修院醫官所陳院雕造前漢所等錢共一百四十
二貫七百五十五文省已將本監官食錢庫子糧課利員贖菜錢并印書匠
工錢係本監事即於費書錢內支其餘公用錢並已於左藏庫支抵所有
書庫支遣餘錢即依條每半年納左藏庫認今後將本監費書錢盡納左
藏庫所合支用錢並令三司勛會出給曆子下左藏庫支神宗正父職
官志國子監祭酒從四品司業正六品丞正八品主簿從八品各一人太學
博士十有二人博士十人書儀博士監直講元堂三年始改爲太學博士
各一人正錄各五人武學博士二人律學博士正各一人博士從八品
正錄並正九品而太學錄五人武學正錄各一人選學生無視品祭酒司
業掌三學之教法政令而監之事則丞與正分經攝校審度行藝則博士
主之舉行學規以次考選則正主之料不如規者給選士以告於正則錄
主之凡入學先驗所隸州公提歲於孟月中則補充外書月書行藝季
論其可選者取歲終校定其注於籍春秋補內舍問歲補上舍則命官度
試視其校定之數參較而叙進人若學論直學及齊長新闕則選敘正生

光元試以文武習業考藝以齊學規利考行皆通取以既定陞補歲計所
隸署生陞降多寡為最加賞罰惟律學試以儀制雖微無較定法雖已
仕者聽肄習為車馬車學則官屬率臨生班迎即行在距學百步亦如之
舊有列同列音均監及直講官其程督課試率多文具照寧初詔用取術
取士應臨會舍分為二學增置生徒總二千八百人日給以食皆有賜錢
充費而刊印給納書籍有官療治疾苦有醫新延育才於斯為盛及元豐
中復正官名分集八設吏哲宗正史職官志國子監祭酒司業丞主簿
各一人祭酒掌國子監人學武學律學小學之政令司業為之成丞丞領
監事凡諸生之隸于太學者分三舍長輪月書其行藝于籍行謂年數
不度規矩藝謂治經程文季終考於學每十日考于學錄二十日考于學
正三十日考于博士又三十日考於長或歲終取外舍生百人內舍三十
人校定歲闋以定度試視其校定之數來驗而無進之凡私試五月越義
仲月論考乃某公試初場以經義次場以詩策試上舍如省試法凡內舍
行藝與所試之等俱優者為上舍上等取皆命以官一優一平為中留次
殿試一優一平或俱平為下留候省試惟國子生不預考選凡課試升黜教
導之事長或皆總焉為監率學則率官屬率諸生班迎即行在距學百步

亦如之凡釋奠于先聖先師及武成王則率官屬諸生共薦獻之禮歲計所隸三舍生升降多寡之數以為學官之殿最賞罰官屬大學博士十人掌分經謀校考校程文以德行道藝訓導學者學正五人掌舉行學規凡諸生之成規矩者待以五等之罰學錄五人掌佐學正糾不如規者職士學錄五人掌與正執通掌學規學諭二十人掌以所授經傳諭諸生及專講論語孟子直學四人掌諸生之籍及典祭出入每齊置長一人掌表率齊生凡成規矩者糾以齊規五等之罰其在外有闕過而經驗明者亦聽糾之不許以自首赦惡原免月考齊生行藝著于籍論一人掌左齊長通諭諸生武學博士二人學諭二人掌以兵法七書弓馬武藝訓誘學者律學博士二人掌傳授法律及校試之事小學置職事教諭二人掌訓導及考校責罰學掌二人掌序齒位糾不如儀者集正二人掌集諸生名氏糾程課不逮者凡諸學生徒皆有定數元祐初置春秋博士三年罷命官正錄止以上內舍生充選後復置命官學正二員博士兼行規矩職事添置掌儀以糾之職學諭五學員數及律學博士一員紹聖改元復元豐學制命官學職悉仍舊云神宗熙寧元年正月諫官滕序言廣唐中太學內舍生二百員並官給日食近年每人六月支錢三百文添尉其餘自造比

舊所費殊寡即今補試諸生一百五十八方撥四五十人入學足二百員其餘試中未入學者尚百餘人遠方孤寒待次多日却歸鄉里奔馳道路今太學齋舍空閑甚多欲乞增置生員一百人作三百數況本監歲收祖課足以供贍又諫官吳申言今太學生徒以二百人為限其數舊狹遠方之士逾年待次伏乞學生不限員數庶使嚮儒日盛流化天下詔中庠再參定中等欲於內舍生二百人外增一百員名外舍生逐旋補試且今人齋聽讀仍不破官中貼廚錢候內舍生有闕即將外舍生撥填如此則有廣朝廷育才之意亦不違先降學制從之五月國子監言自來補試國學監生以六百人為額今科場三斗一開竊見開封府國學各增解名三分之一四方士人以此咸集京師欲乞監生人數亦展一分以九百人為額從之六月又言訪聞舉人欲求本監役下家狀緣條制每人用京朝官兩員委保不得過五人欲乞亦許通用流外曾歷任無贓罪進人仍乞職官令錄許保三人判司簿尉許保二人所冀舉人依限早就試補記進納及流外出身不許保任餘並從之職官志元豐三年詔自今奏舉太學博士先以所業進呈五年詔國子監官差承給部以上關即差遣人見正

官立行守試請奉法八年詔罷太學保任同軍法二年二月臣僚上言乞

今後天下州郡學舉人欲補試于國子監並元於本處投狀官司獎勵
得貢舉條制及體訪無偏濫即給公憑令自赴監更不用在京保官此稍
近鄉舉里選之法詔國子監按驗不虛全五人至三人通相安保如是假
冒甘勤出科場即與施行其品官之家隨侍子弟即於隨侍處依此召官
委保 十二月二十四日詔三京國子監添同列一員差知州有資序人
已上須精神不至昏昧堪任簪務者先以三十箇月滿替 四年七月二
十八日詔國子監直講自來執政所舉或國子監又或中書選差候將來
有關於兩制臺閣所舉五路學官內考所業優者差 十月十七日中書
門下言近制增廣大學益置生員除主判官外直講以十員為額每二員
共講一經委中書選差或主判官奏舉以三年為任選人到監五年與轉
京官或教導有方或職事不修並委主判官開奏當議陞黜其生員分三
等以初入學生員為外舍不限員自外舍陞內舍內舍陞上舍上舍以一
百員內舍以二百員為限其生員各治一經從所講之官講授主判官直
講逐月考試到後等舉業並申納中書學正學錄學諭仍於上舍人內
選經選二員充如學行卓然尤異者委主判及直講保明開奏中書考察
取旨除官其有職事者授官訖仍舊管勾候直講教授有闕次第選充其

主判直講職事主員並第增添支食錢從之 二十八日詔殿中丞宋靖
國贊善大夫呂嘉問相度錫慶院建太學從御史知雜郭紹所請也紹言
國子監粗容春秋釋奠齋庖之室不足以容諸生至於太學即未嘗營建
止是假錫慶院西北隅廊屋數十間通窄湫隘又官司未嘗葺治今大新
學制學者闢風全然畢集恐不足以容乞特賜錫慶院為太學故命相其
地建之 是月詔國子監直講自中書門下選差及本監主判官奏舉不
拘資序任滿興堂除合入差遣又到監一年通計歷任及五考即與轉官
如教導有方實為士人之所歸嚮委主判官保明以聞及中書門下考察
許全再任其職事不修者許全中書門下反主判官檢察取旨不候任滿
差替 十一月十五日國子監言新制增廣生員其有管勾官亦藉其材
幹請以著作佐郎楊完為監丞馬疏為主簿從之 二十七日管勾國子
監公事常袞言取索在監直講等前後所出策論題考校諸生試卷定到
優劣等第詔焦千之等五人並罷職興堂除合入差遣 十二月一日詔
每年並以錢四千貫賜國子監以增置學官生員歲用不足也 五年十
二月詔國子監主判官待制已上差判條並管勾本監公事 八年八月
一日臣僚上言國子監保試只試一場一千五百餘卷學官八員計榜出

之日只以二日考畢雖恐滯舉人而考較必須精審詔國子監今後寬定
日限 九年二月二日脩貢舉勅武練等甫言自來諸路舉人於開封府
冒貢戶名應舉計會書額行用錢物以少約之亦不下六七千被告計則
抵犯刑憲終身有司難明和偽冒終不能禁止今來國學開封府既是併
試將兩處解通取舉人宜皆領於國學補試應舉緣補試多不中者若不
用貢戶則無處試是猶未免前日之弊也今欲遇科場除國子監三舍生
外並令實通鄉貢十人為一保召保官一員委保於國子監納光監錢三
千給牒應舉其錢充試院及期集賜錢等支用如此施行不惟公私皆便
兼俾士人進身之初無後冒犯之累稍趨行實其餘風化不為無助兼國
子自來請監牒納光監錢二千一百六十文今既與免補試貢戶煩費只
全納錢三千則人情樂然極為便利從之 十一月二十五日知諫院黃
履言國子監每歲賜錢一萬四千貫供贍外舍生及諸般支用切見本監
有編勅經義光監三等錢共及萬貫見在欲乞并自己後收到金本監逐
夜置房廊莊課候將來置及歲賜錢數則三等錢依舊撥管及充監用而
歲賜錢可罷從之 十年二月十三日詔國子監上舍生自今應補中後
在學實及二年無犯學規第二等已上過委主判同學官保判與免解從

上不得過三十人內於貢舉自合免解者與免省試一次已該免解後又在學及二周年已上別無公私過者並免省試元豐元年正月十一日詔國子監丞主簿省一員 十七日詔自今學官非公筵不得預收樂營從知永興軍呂公孺請也 十二月五日建州進士虞蕃上書言太學官不公校試諸生陞補私驗其赴太學常以已入而午出陞下日覽萬機書是勸諱尚不數年而諱畢今諱官諱周禮七年纔及四卷又言論語孟子道德之所在陛下設科使參大經今未始有講乞令諱官依諸司例早入監仍集諸生問答問日一升堂伏臘假不停說書及非假政毋因循廢諱詔不公事委開封府根治以聞內中請事今國子監主判官相度 二年二月十七日判國子監李定言直講以傳授經術為職乞不令管規矩事從之 五月二十二日詔權御史中丞李定同根治太學獄 七月一日同判國子監張瑄言太學內舍上舍生中選者免解試或免禮部試舊以直講考校不無挾情容有私取請自今補內舍上舍皆自朝廷差官考校詔送詳定學制所 八月二十二日詔益太學生員舍為八十齋每齋屋五間命入內東頭供奉官宋用臣主管脩展 二十九日詔看詳太學條制所有國學條貫與見脩學制定為國子監一司初式 九月二十五日右

正言知制誥張璪判將作監上批璪見領審官東院國子監朝廷方議增
嚴太學規矩非久頒降頒主判之官以時督察庶幾成就東院注擬差
違檢省條例職事頗多宜改差璪同判將作監今專意推行學制十二
月十八日御史中丞李定等言切以取士黃察行藝則是古者鄉里之選
蓋藝可以一日而校行則非歷歲月不可考今酌周官書考賓興之意為
太學三舍選察陞補之法上國子監勅式令并學令凡百四十條詔行之
初太學生禮宗益上書言太學教養之策有七一尊講官二重正錄三正
三舍四擇長齡五增小學六嚴責罰七崇司業上覽其言以為可行命定
與畢仲衍蔡京范種張璪同立法至是上之太學置齋舍八十齋齋各三
十人外舍生二千內舍生三百上舍生百總為二千四百生員入學本員
若所在州縣文據試而後入月一私試歲一公試補內舍生間歲又一試
補上舍生賸錄封彌如貢舉法而上舍則學官不與考較諸齋月書學生
行藝以帥教不戾規矩為行治經程文合格為藝齊長諭學錄學正直講
主判官以次考察籍記公試外舍生入第一第二等參以所書行藝預籍
者陞內舍內舍生試入優平二等參以行藝陞上舍合三等俱優為上一
優一平為中俱平若一優一否為下上等命以官中等免禮部試下等免

試以陞補及行藝進退計人數多寡為學官之賞罰緣陞舍為姦者為如
違制律不用去官故原學正增為五人學錄增為十人學長謝以學生為
之三年正月十七日詔改國子監直講為太學博士每經二人十九
日增國子監歲賜錢萬五千緡以國子監言歲費錢三萬七千緡而所入
纔二萬三千緡故也二十七日詔國子監莊田廬租並隸運路轉運司
開封府界提點司依錢穀數認見錢歲送納監二月九日詔國子監罷
書庫官復置主簿增監廚使臣各一員增歲賜公使錢并舊為千緡增巡
宿利員并舊為二百人並從之以看詳學制所請也二十三日詔自今
奏舉太學博士先取所業進入四月二十八日詔增國子監歲賜錢六
千緡初給外舍生食八月為錢八百五十文是增至一千一百故也五
月三日編脩學制所言奉旨立勢要及國子監太學官親屬許不以鄉貢
就開封府應舉之法臣等看詳監以國子為名而無國子教養之實恐未
稱朝廷建學育才之意乞應勢要官親戚並令入監聽讀以二百人為額
解發毋過四十人從之八月十九日進士蕭之美上直言策其一言太
學博士有易經而講者或兩人同講一經而一善一否則一人為講義而
分講之或本嘗治經則假手為講義以講之詔中書本房立法四年七

月二十七日國子監言學生入學乞令同縣五人以上為保如犯第一等
罰不覺舉者與同罪許人告賞錢三百若未入學以前違礙亦準貢舉法
從之 五年正月十七日太學言生員萬阜等五人曾經屏斥未嘗叙雪
而改名補試入學詔並斥出學實殿一舉今後量員入學者徒一年 五
月一日詔國子監官差承務郎以上如無郎差遣遣人差正官立行守試
請受法 十一日詔起居舍人蔡卞兼權國子司業先是有詔近緣差除
罷主判處新官未到官局發事如太學之類可速差官權領故有是命
六年三月二十二日上批太學博士員闕進呈以劉榮黃裳為太學博士
此處御集三月二十二日神宗改正官制員闕多歸吏部以謂不可是爰
增撥曾孝寬以吏部尚書對戒飭甚峻孝寬云適有一事欲奏稟比有太
學博士闕一人臣以為可以與選而無思則一人臣以為不可為以思則
當得法行之初不敢申請故欲面稟蓋可與選者狀元葉祖洽乃無思則
不可占射不可為者獲賊改官人黃希以思例當在祖洽之上神宗然其
即日批付中書太學博士並堂選此據遊記舊按八月十六日乃自鄆州
召孝寬為尚書此時未也又八月二十二日祖洽見在國子監丞罰銅記
舊必誤或誤指黃裳為祖洽也 五月八日國子司業朱服言養士莫盛

於太學而士鮮能知射今武學教場隸本監欲聽學生每遇假日習射從之八月十二日前舒州桐城縣尉周諤言欲罷試太學博士選於教官教官則選試於上舍內舍及改科以來有出身進士入之嚴太學補試之法士嘗與鄉書者不必補而後入詔中書省記姓名七年八月二十二日權國子司業朱服言天下郡縣之學皆隸本監四方之士多出太學將來禮部試慮諸路舉人群集京師自以不在學籍無糾察之法循然舊習浮縱寡耻且小學生交雜相為掩蔽難以辨定乞應舉人到京或有顯過虧損行義若情實開訟使酒不檢造為飛語謗訕朝政委本監檢校聞奏比附學現殿舉從之八年十月十八日禮部言舉人有永停取應及殿舉未滿未得入學者欲令應舉入學從之十二月二日詔罷太學保任同業法哲宗元祐元年三月十四日詔太學每歲公試使司業博士主之如春秋補試法前此鎖院如科場制諫官以為言故也四月十七日國子監言太學生員犯規屏出學情輕滿三年及吾假踰限除籍者自來並各依條補試入學今來該登極太赦其犯學現未得入學人情理可矜者取朝廷指揮依舊入學本條即無補試之法欲乞為兩等其身自犯者仍依學令補試入學其係與保人連坐者更不補試從之五月二

日左司諫王巖叟言太學生乞罷一年之限補中人並許應舉詔國子監
立法 十二日詔試給事中兼侍講孫覺試祕書少監顧臨通直郎充崇
政殿說書程頤同國子監長貳看詳修立國子監太學條例 六月十八
日詔太學置春秋博士一員今本監長貳奏舉 七月十日看詳編修國
子監太學條例所奏乞太學生今次科場但元豐三年興學後在學通及
一年者許取應內因假違限落籍生員慮歲遠其中不無違冒今欲乞將
應落籍該取應之人令召命官一員或在學生員二人保識赴國子監照
驗從之 八月十二日詔以郭州處士王大臨為太學錄以司馬光為大
臨通經術而嘗召不起故也 二年六月二十六日禮部國子監言止善
齋學生虞承於元豐元年中曾告歸本學外補事請特賜屏巾從之 七
月八日詔內外學官選年三十已上歷任人充從御史中丞胡宗愈請也
三年五月十六日詔國子監置長貳除寺監長貳並互置 七月二十
六日詔朝請郎盛僑依舊國子司業僑自司業除楊王府侍講國子監奏
留從太學生之請故也 四年六月十八日詔今後太學正錄並依熙寧
法選上舍生充上舍闕選內舍生具見在人候任滿日罷已差下人別與
差遣 五年十二月十八日殿中侍御史岑象求言國子監生員無叩問

師資之益學官不以訓導為己任及闕補試伺察不嚴不無假手之弊詔
禮部相度以聞 六年九月五日本部言改令生員遇有請益許見長或
召生員以所納齋課於講堂上指諭并委博士逐月廵巡所隸齊考學
生所業凡私試不鎖宿欲令不罷講說從之 六年九月六日禮部言應
補外舍附私試大義日願試詩賦者附第二場仍各為號博士鎖宿自引
試日後別限考校千人以上限止十日每少百人減一日人數雖少即不
得減過五日取文理通者為合格長貳與考校封彌官同驗號拆封注籍
曉示仍申三省禮部從之 十月八日詔兗州錄事參軍郭真卿監國子
監書庫不得為印十五日朝獻景靈宮退幸國子監詣至聖文宣王殿行
釋奠禮一獻再拜幸太學御敦化堂召宰臣執政官親王從臣賜坐禮部
太常寺本監官承務郎以上侍立承務郎以下三學生坐于東西廡侍講
吳安詩執經國子祭酒豐稷講尚書無逸終篇復命宰臣以下至三學生
坐賜茶國子監進書籍凡十七部軸上命留論語孟子各一部遂幸昭烈
武成王廟酌獻肅揖禮畢還內是日賜豐稷三品服本監官學官等賜帛
有差先是翰林學士范百祿轉對請視學故有是舉 長編哲宗元祐七年

員貴畿縣戶名取應及太學生員依條須在學及一年方預就試其間有
未及一年之人亦不免有寄貢取應之弊檢會舊制因予監取應舉人元
於廣文館補試給牒取應今歲復置廣文館生員今再行有詳開封府進
士解額一百人即乞依舊外將本府諸科二百人并國子生四十人共為
二百四十人解額並發廣文館廣文館生員以二十四百人為額並國
子監太學生員上舍一百人內舍三百人外舍二千八元祐五年發解
國學舉人每五十人四度二是一思解一人認依禮部所中今歲太學製
人并國子監生解發並依元祐五年發解取人分數施行
紹聖元年三月
四日詔今後內外學官選進士出身及經明行脩人充
九日監察御史
邪知章言先皇帝隆尚儒術增廣庠序設三舍之法應上舍生上等中選
者有取旨推恩之例然擇之至精俟之至久故其得者亦難自元豐以來
十餘年間上舍生推恩者林白一名而已誘進激勸之法莫善於此元祐
新舍推恩之例已罷士論惜之宜復元豐上舍推恩之例詔太學令起上
舍生上等推恩免省試每次科場不得過二人仍附春榜人數餘依元豐
三年十二月指揮
開四月七日詔太學合格上舍生並依元豐二年法
內上舍上等該推恩注官者每年不得過二人免省者每舉不得過五人

免解者每舉不得過二十人仍充省試發解額內人數並依補中年月高下為次其元祐法勿用餘三舍升補等法令禮部國子監推行舊制職官志起聖元年又詔內外學官選進士出身及經明行修人又詔學官並召試國子監長貳臺諫官外監司皆許為舉二月甲午罷唐文舉所願及將國子生四十人發還本監從之五月十三日左司諫翟思言熙寧初除諸路學官與更置太學博士正錄雖有朝廷特除然類令國子監長貳薦舉索所業致第高下以次除授復立試法以覈材實其進士發解省試廷試在十五人內太學上舍內舍職事者並令召試不在此例許投所業國子監考覈方與召命雖取之甚難然一時所得皆公議之所與元祐以來罷去試法特行除授請自今除學官依舊法召試更不令自投所業在內許國子監長貳臺諫官外則監司皆得薦舉上則陛下教養之意從之哲宗元符元年正月三日詔有官人許入太學充監生於二百人額內不得過四十人二月十六日刑部言右治獄劾到得解進士蘇天民與高茂待補太學外舍生國子司業詹文委作選人自首謀送所屬詔蘇天民高茂各分送鄆州編管詹文待衡替四月二十七日國子監言乞今後科場及太學公私試將所存留三分解額均作十分先取二禮合格人不得

過五分次取他經從之 七月二十一日中書舍人趙挺之言考試教導
之官願增為五經國子監請試兩經試卷各為字號取俱入等者為合格
詔今後試三經除從之 二年五月十七日太學生楊昊等言本學試令
一遵元豐法度獨解名元顓未蒙舉行詔依元豐七年例分數取人 九
月二十一日詔太學上舍推恩並依元豐法所有用元祐法考察試中上
舍人與免文解 元符元年七月七日詔學官歲一試 八月十七日禮
部國子監言請太學三舍生祖父母父母在九年不歸者許自陳給假省
侍從之 九月十二日詔太學三舍生今後並依元豐學制重行考察依
舊條推恩從三省請也 二年二月二日國子司業龔原等言太學公試
除依元豐舊制差長貳監試輪差博士五員入院乞朝廷差官五員同
共考校從之 三日禮部言國子司業龔次仲等言太學上舍生係元豐
學制考察試中依元豐者只依元祐條與免解本部看詳內舍逐次考察
公試緣已是各隨新舊條制陞補其內舍生已全用元豐學制外舍生考
察陞補充內舍之人自合依元豐條考察及試上舍外內舍學生已係用
元豐學制自外舍考察後却用元祐公試入等陞補作內舍者並依舊充
內舍候補中上舍該推恩日只依元祐法從之 五月十八日國子監言

應奉學正錄係奏舉職官知縣縣令入已經陞改後差者並依元豐舊例
與理合入資序從之 六月十七日右正言劉拯言太學博士並朝廷選
除正錄有闕亦從試補詔令國子監約元豐條立法以聞 十月二十九
日禮部言乞下國子監自來年春季仍舊李補從之 職官志元符二年罷
春秋博士三年詔所置司成司業各一員四年詔辟雍得四方貢士在
州之邦太學教養上舍生在三城之內內外既殊品下未倫辟雍有司成
古侍郎之次國子有祭酒司業列于卿少事體不順合行釐正改辟雍司一
代為太學司成總國子監及內外學事凡學之事皆許專達仍立學官
某三年徽宗即位未改元三月十一日禮部言太學生請長假乞依元豐
四年二月二十九日指揮除出程限從之 十一月二十七日詔復置春
秋博士崇寧七年省罷 十二月二十一日禮部言考功員外郎朱彥奏
乞太學今後四季補試外舍生只就本學考校仍罷騰錄依元豐舊法施
行國子監勸會元豐學全補試外舍生係試大義一場今此元豐法係增
添論一場依太學和試差丞簿封彌律學巡鋪指揮監門從之 七月二
十五日禮部言國子監生員乞將前舉科場後已曾在學一年後請假見
上簿侍闕生員許今作在學人取應從之 九月十五日三省言太學生

自元祐改用詩賦以來不得專意經術又試補之際察視不嚴考校之官不復精選取人很多致後來補中之人無閭可撥動須歲月方得入學今既罷詩賦專用經術又撥開封府解額盡歸太學其在學解額既優即所敷養之士豈當如元豐興學之初應日前在學生並乞重行補試照依元豐舊例應係籍生員今年冬及來春補外舍並自朝廷差官考校已係籍人所取不得過三分新補不得過一分半已係籍人經補試一次不中者再試並依新補人例 二十三日詳定重修勅令所請依舊令國子監印賣編修勅格式命官并習刑法人許置 十月八日詔太學上舍生並免再試其恩例各依舊條內舍人除元豐年陞補人免試外除並令再試如再試中即與依舊免內舍所有今舉得解生員并元豐年補中外舍人亦並免再試 十二月十八日翰林學士承旨詳定國子監條制蔡京言奉勅詳定國子監三學並外州軍學制今修成太學勅令式二十三冊以紹聖新修為名詔以來年正月一日頒行 建中靖國元年十月七日臣僚言伏覩熙寧元豐中所除太學官並係朝廷高選自元祐中除授元監紹聖中恩之遂復舉行學官選法其元祐所除無出身人免內外學官者一切罷去而近者內外學官除授復輕欲望見今無出身人別與合入差

遣一依元豐選格施行伏覲神宗皇帝重修太學嚴立選試之法考校官
雖委太學博士至其餘試院官却有自朝廷選差及於內侍省差官關防
嚴森自元祐中一切廢弛紹聖中置院差官痛革元祐之弊而近者因臣
僚上言罷去此法至今大學錄試關防之法至為苟簡欲望選補外舍生
一依元豐舊法伏覲神考元立三舍生及國子生員額各有多寡以為陞
進人材之序並有意義今來國子監起請以偪內舍生及國子生員關增
收外舍生未分撥八人數及將在學年月滿參長假學生勒住不令依名
次撥入却先撥年月未滿之人即非元豐所立條意乞改正施行從之
崇寧元年十月二十七日宰臣蔡京言奉詔天下皆興學貢士以三舍考
選法通行天下聽每三行貢入太學上舍試仍別為考分為三等若試中
上等補充太學上舍試中等下等者補充內舍餘為外舍生仍建外學於
王國之南待其歲考行藝進之太學今具外學條件外學官屬司業一人
丞一人博士十人學正五人學錄五人職事人係學生充學錄五人學諭
十人直學二人齊長齊諭每齋各一人外舍生三千人太學上舍一百人
內舍三百人欲俟將來貢試到合格人即增上舍作二百人內舍作六百
人處上舍內舍於太學處外舍於外學外學置齋一百講堂四每齋五間

三十人太學自訟部合移於外學別置諸路定到並入外學候依法考選
校試合格升之太學為上舍內舍生見今太學外舍生且今依舊在太學
候將來外學成日別取旨揮外學並依太學勅令格式施行從之 二年
二月二十九日臣僚言乞詔有司每遇有制書手詔告詞並同賞功罰罪
事跡錄付准奏院本院以印本送太學并諸州軍委博士教授揭示諸生
從之 三年正月九日中書舍人薛昂言竊見太學外舍生日破錢二十
八文內舍人加二文未題蔬肉薪炭料物之直盡在其中契勘朝廷歲賜
錢三萬五千貫賸給生員每年支用不盡欲望特詔添給太學上舍內舍
外舍月給食錢各添四百文 十一月四日奉太學遂幸辟廱詔國子司
業吳綱等轉官改官備資賜章服文武學生授官免省試免文解賜帛有
差先是十月六日禮部太常司參酌脩定儀注皇帝詣國子監謁至聖文
宣王陳設有司豫設皇帝行禮御恆於廟殿之東南向又設宰臣已下從
官及禮部祠部郎中太常諫筵官本監并太學官幕次於國子監門外近
東量地之宜至日太常設豆酒爵香燈等各於神位前如儀行事其日
皇帝服靴袍乘輦將至禮祠部郎官太常本監并太學官學生迎駕起居
車駕由國子監門入至御恆降輦皇帝臨御恆禮直官太常博士太常卿

立於御座前東向禮直官通事舍人引宰臣親王開府儀同三司執政官御史臺太常寺閣門引尚書侍郎兩省侍從官殿中監以上宗室正任以上武臣觀察使以上并起居郎舍人攝筵官禮祠部郎官太常本監并太學官各入殿庭北向重行立定閣門報班齊太常卿詣御座前使伏跪奏太常卿臣某言請皇帝行酌獻之禮奏訖使伏興薦捲禮直官太常博士太常卿前導皇帝出陞陞自東階詣至神文宣王神座前太常卿奏請皇帝跪又奏上香再上香三上香侍臣執爵詣酒尊所太官令酌酒以授侍臣侍臣跪以爵進皇帝受爵三祭酒奠爵使伏興太常卿奏再拜皇帝再拜贊者曰拜在位官皆再拜太常卿前導皇帝降自東階歸御座薦去太常卿詣御座前使伏跪奏太常卿臣某言禮畢奏訖使伏興薦捲皇帝出惟來輦赴太學禮祠部郎官太常丞博士及本監太學官分詣殿上配坐十哲及兩廊從祀分奠如常儀幸太學所司據於教化堂之後設次一又設次一於堂上稍北當中兩間南向鋪御座又設宰臣親王開府儀同三司執政官以下至殿中監及觀察使宗室正任以上並起居郎舍人攝筵講書執經官禮祠部郎官太常本監并太學官坐于御座之南東西重行異位太學生座於東西兩廊俱相向并北上又設宰臣以下從官次

於中門之外至日皇帝於文宣王廟酌獻禮畢東華車太學入至敷化堂
上降輦入次簾幕更衣幘頭儀欄禮直官通事舍人引與講官皆繫鞋侍
立官同入就堂下北向位講書執經官學生各於堂下東西相向立候閣
門報班齊皇帝出次座御座班首奏聖躬萬福應在位皆躬身應喏訖閣
門使詣御座前班首承旨跪階西向宣陞堂訖退通事舍人喝拜宰臣親
王開府儀同三司執政官尚書侍郎兩省侍從官從殿中監以上及禮祠
部郎中太常太學太監官重行北向再拜訖分左右陞堂各就位後少立
起居郎舍人分左右侍立禮直官通事舍人引講書及執經官就北向位
班首奏聖躬萬福閣門使宣陞堂舍人喝拜講書及執經官再拜訖分東
西陞堂分立於御座左右講書官在東西向執經官在東西向相對學生
就北向立舍人喝拜在位者俱再拜分立於東西兩廊皆北上兩侍進書
按以書授執經官稍前進於案上舍人喝拜就坐宰臣以下并堂上坐座
位同進閣門供進講書官講畢通事舍人曰可起群臣皆起並降階分東
西相向立執經官降階講書官於御座前致詞訖降階北向通事舍人喝
拜如有宣答即再喝拜起居舍人降階並歸本班閣門使宣坐賜茶通事
舍人禮直官引宰臣以下至起居郎舍人講書執經禮祠部郎官太常太

監并太學官各就北向立通事舍人唱拜宰臣以下再拜訖禮堂各立於
位後學生各就北向但通事舍人唱再拜應在位皆再拜訖各分東西廊
以北為上立舍人唱各就坐上下皆就座賜茶畢禮直官通事舍人引堂
上官降階就北向位通事舍人唱拜在位官俱再拜訖禮直官通事舍人
引以次出學生就北向位通事舍人唱拜學生俱再拜訖退若有特旨臨
時謝恩皇帝降座還次以俟皇帝服靴袍乘輿赴辟廱禮部郎官太常寺
太學官並赴陪位立班其太學生並赴辟廱皇帝詣至聖文宣王殿東御
幄前簾捲皇帝出幄禮直官太常博士太常卿前導皇帝陞殿詣至聖文
宣王香案前太常卿奏請皇帝上香再上香三上香又奏請再拜皇帝再
拜贊者曰拜在位官皆再拜訖禮直官太常博士太常卿前導皇帝臨御
幄簾垂以俟皇帝幸辟廱親書手詔面賜國子司業吳綱等乞下有司撰刻
伏觀車駕臨幸辟廱親書手詔面賜國子司業吳綱等乞下有司撰刻
石頒賜諸路州學從之 四年七月一日詔罷三京國子監官各置司業
一員 五年正月二十四日詔罷書畫算醫學令附於國子監 大觀元
年三月二十四日翰林學士薛昂言按唐六典國子監有博士助教之置
國子博士四員國子正錄各二員與太學官分掌教導從之 九月十五

日又言乞國子太學辟廬博士共置二十員各以易詩書周禮禮記為定
額國子并太學每經一員辟廬二員并選元始經登科人從之 二年五
月二十日中書省據學制局狀奉御筆古之學者三年通一經至十五年
則五經皆通熙寧中迪士以經術則 故止專一經今已三十餘年士益
習矣思得多聞博習之才而慮專門之流弊可自今學生願兼他經者聽
之兼經多者計所多量立陞進之法使天下全材異能得以進焉尚書省
到付學制局脩立到諸學生本經外願兼一經或二經等條奉御筆比聞
所著法頗密而難行士固有皓首終身通一經不能究者兼習五經蓋以
侍博識多聞之才是為難能不可立為常法應兼三經以上所在學考選
校定在學一年取分數多八行之中兼有行實每路歲貢二人入太學長
或審試以聞量材拔用其在學生願兼一經者聽臣等今依御筆旨擇修
立兼經之制經術深妙既令兼治恐當更俟以漸今修立諸學生本經外
願兼一經或二經者聽臣等看詳本經之外各兼一經則五經已有二十
五色 諸如太經治易而所兼或詩書或周禮禮記之類 又有兼二經則其
色額又多若於試卷內明見其色額之異則就試人姓名灼然可見又况
州郡人少去處則私弊尤難開防今將本經與所兼經每季輪與一經就

試 謂如今經治易而並治詩則正月試易義四月試詩義之類 則卷子內

不見色額之異可以久遠通行不致私弊今脩立諸私試經義以所習經
及黃經輪以一經就試右並入太學辟廋諸路州學通用令臣等看詳今
未兼經既係別為獎勵之制則所兼之經多少不同所應之人有無不一
若試選兼經之法一禁施於州郡之學則節目既多事難齊一況州郡
學校私試已閱習其文藝至貢士舉院試筆別為一項遂經分場引試庶
得要而易行可以經久免試論語孟子以中二經為上等一經而在十名
內者為中等餘為下等別榜曉示諸內舍生兼經曾入第二等以上者聽
與貢士兼經人同試諸兼經雖試中而本經不與貢士舉院補者不在類
聚比較之限右並入太學辟廋通用令貢士舉院試兼經每經十五號取
合格者一號右入太學辟廋通用格諸兼經人初入州學以試日陳別為
一籍曾入第二等已上者其所中經候陞貢日教授據籍契勘例於貢狀
右入諸路州學全諸兼經人曾預貢士舉院試入上中下三等若遇釋褐
或殿試唱名日別作一項具名聞奏右入太學辟廋通用令御史唱名若
上舍釋褐人曾與貢士舉院試兼經人上等者與陞一甲 上中上名不及

十名者仍通陞十名中等陞十名下等陞五名已上如係第一中者即便

不惟仍並與內外學官之選右八三省通用令從之 八月二十七日上

批國子監印造監本書籍差舛頗多黃版缺之處筆更書填不成文理頒

行州縣錫賜外夷訛謬何以垂示仰大司成專一管勾分委國子監太學

辟廡官屬正錄博士書庫官分定工程責以歲月刪改校正疾速別補內

大段損缺者重刻雕造仍於每集板末注入今來校勘官職位姓名候一

切了畢印造一監令尚書禮部覆行抽摘點檢具有無差舛保明開奏今

後新行書籍仰強淵明不得奏乞差官置局今貼改毛詩一冊降出 三

年四月八日和樞密院事鄭居中言脩立到國子監太學辟廡初今格

式申明一時旨揮已冠以大觀重修為名付尚書禮部頒降從之第一卷

內為國子生隨行親著及一年其吏部出官試可與免職官志詔諸公

聖除殘並起發在子學事天用 四年二月九日禮部尚書鄭久中大司成

汪解等言大觀二年國子生校定契助展季升補之人公試分數若不

為內舍考察緣本條與四季人通取及言外舍生公試應升補即是四季

三季之人包括在內如今依辟廡疏說即去年國子生校定却行改正移

易升與慮致繁索並被去取之人互有詞說乞截自今後施行從之 八

月十二日詔博士太學五員國子五員辟廡十員率以二人共講一經又

如國子博士專掌訓導國子生隨行親生員既少職事甚簡兼國子生隨
行親並處太學可就委太學博士兼領其國子博士並省并辟廡博士亦
省五員以五員為定額命官正錄太學各三員辟廡各五員其學錄自有
學生充職之人可太學省命官學錄一員辟廡省命官學錄二員國子命
官正錄各二員今既省博士即命官正錄亦難專設可就委太學正錄兼
領辟廡自有學生直學四人其命官直學可省辟廡見差巡檢使臣一員
兵士一百人本以修置辟廡之時權宜設置巡察賊盜自後因之為永遠
案名專令管幹辟廡地分不唯地分狹小職事太簡兼自有城南巡檢管
認地分顯屬冗占官兵其辟廡專置巡檢官兵可行省罷國子監監庫官
元豐紹聖間並不曾設置自崇寧二年創差一員後來辟廡擬例所管事
務不多可就委指使主管庫官省罷國子監公廚使臣紹聖格止二員崇
寧後來養外舍於辟廡太學生員數少公廚事務頗簡於崇寧四年添置
一員顯屬員冗可省後來復置官一員私忖勝錄起自近歲元豐紹聖曾
所未聞太學辟廡月試可並依紹聖格施行更不勝錄 閏八月二日尚
書省言勘會吏部見行選試學官除教授係投所業見依條改試施行其
試太學博士正錄係取應選人奏擬召試若今吏部逐旋奏擬召試切慮

題試不及詔令吏部將應選合該召試之人一面曉示召試 二十三日
詔裁減國學長成歲舉改官大司成十五員祭酒司業各八員 政和元
年五月七日詔兩學博士正錄依元豐舊制選試朝廷除授 二年正月
二十七日臣僚言元豐六年召試學官六十餘人而所取纔四人皆一時
知名士程文其在至今人皆誦之大觀四年政和元年秋試學官大率三
人取一校之元豐無慮數倍乞自今學官每十人取一從之 五月二十
二日詔大司成張邦昌降兩官提舉西京嵩山崇福宮國子祭酒路瓚同
子司業韋壽隆貶南仲並降兩官送吏部皆以訓導無素生徒犯法故然
之 八月十一日臣僚言師儒之官比年立試選之法歸之吏部陛下旋
命參以選格皆自朝廷除授獨試學官之法尚未聞罷去士之由學校以
進者上舍不入上五名升補不與上十名殿試不在甲科職事未嘗與選
與大司成試不與上三名之類往往無復學官之選大選之如是之難而一
試之僥倖適遂得之則其難易不等又曉然矣伏望罷去試選之法悉取
於學校從之 三年四月三日宣義郎黃冠言今天下士自鄉而陞之縣
學自縣而陞之州則通謂之選士其自稱則曰外舍生而陞之內舍則謂
之後士其自稱則曰內舍生而貢之辟廂然後謂之貢士其自稱也亦以

是世之商賈工技巫醫卜筮盜進士之名者固不待禁而止矣從之
四月四日手詔近覽大學生私試程文詞繁理寡體格卑弱言雖多而意
不逮一幅或二百言用之字凡二十有六為文之陋於此為甚自今太學
辟廋師儒校試考選日後有犯黜之文理縱復合格亦居下流 五月二
十四日詔太學辟廋有官學生如升補上等依有官人附貢上升二等差
違賜上舍出身文行優者取旨推恩從大司成劉嗣明請也 七月六日
尚書省言檢會從事郎陳州教授李璆狀自崇寧元年補試入太學四年
十一月緣父蔭補太廟齋郎大觀元年第一等升補內舍當年累成上舍
上學校定政和元年赴上舍第三人合釋褐人數承朝旨合候殿試政和
二年殿試賜第一等上舍及第伏觀學令節文請有官貢士附試合格者
上等升二等差遣及同年有官附試上等人李綱已蒙推恩了當詔李璆
依李綱例與承務郎仍除國子博士 十二日臣僚上言今後應學生非
實有諸孟而擢至師長位因而有所干請者嚴行規罰詔依奏有犯依學
規第一等罰 四年四月九日詔辟廋太學按樂于庑八音克諧司成劉
嗣明班序恩數可依直學士例司業以下並轉一官選人循兩資學生量
與推恩仍召兩學生赴公相聽宣示 五月二十四日吏部言勸會迎承

勅蔭補入官人在學及一年許參選本部相度欲乞除太學人合理入學
月日外其在諸州軍府入學年月之人並不理從之 六月十三日尚書
省言契勘諸州升貢士具奏狀並貢籍自來多隨貢士秋間同到碑廡本
學旋行點檢貢狀間有不合升貢之人遂行駁還回州不唯本人道途往
返勞役及有因而節非妄亂陳訴致虧士行詔令諸州候升補上舍畢限
十日具應貢之人依貢狀式急遞至碑廡預先點檢若有違礙限當日入
通行下本州更不升貢 九月二十三日臣僚言伏見大觀學法職事受
路已有明禁通者大學小學教諭受職 論而州縣學校獨未及之詔
太學辟雍州縣學職事人恩受賂並依政和四年二月三日小學旨揮茶
果酒食之類皆是 五年二月一日詔禮部尚書白時中侍郎張崇貴外
郎翁彥深尚佐均次司成劉嗣明國子司業陳詢監丞高述各降三官嗣
明知穎州詢送吏部以言者論其申請欲以國子兩與上舍者並依太學
內舍三試之法陞選太優尋令供析故有是命 四月五日將坐監陳奇
言昨因繕脩國子監三學竊見監門內舊有碑石刊建隆三年重修監記
逮今一百五十餘年碑亭巍然與門墻殿閣倒皆欹漏今修完已見次第
雖已許建亭立碑緣未嘗差書撰官詔差馮照載書撰 二十四日國子

監辟靡奏臣深言自今後士人有犯規制屏之待其改過自新於屏中年限不復犯罪然後可復收於籍詔全國子監辟靡立法今修立下條諸學生於屏年限內犯罪而無決而情輕及經贖會恩原者秋罪別理三年後罪五年以犯日為始教授富量提舉學事司驗實聽入即犯不孝不悌假名代筆緣學士請託若有私及受賄者不在富量之限從之九月二十七日大司成馮熙載等言昨來國子監奏請長貳遇入局日分陞諸堂月詣五齋詔辟靡依此六年七月二十一日詔以御書大成殿榜付國子監揭之仍許宰執侍從往觀明年大司成王孝迪請模刻入石置善閣下從之八月八日臣僚言願詔中外師儒之官詳誨誘之方明考選之法凡程校文藝大槩以熙豐為標準禮制各隨其所長務得通經篤學之士黜浮偽剽竊之文以矯揉之庶得真材實能以待朝廷之用詔到太學國子監辟靡十五日詔今太學辟靡提舉學事司自今有人材拔俗者不待改選校定之數其實狀以聞朕將不次用之十二月二十二日詔有官無出身雖出身通仕登仕將仕郎校尉許入學作國子生許附貢士七年四月十四日禮部擬降下條諸移籍入太學者為國子生隨行親應通理月日考試校定者其歲首私試不理諸州學生

雖應行入學者

於法應移籍入太學而本年在李己及三李己上者候歲終本州校定試
畢聽移從之 八月十五日臣僚言臣近以國子有官人於法肯在學一
年方許參選近年往往身不在學但將告假月日通理成數有失法意詔
自今除月給及依令合給假外特給假仍補填 十八日新提舉河東路
學事王格言伏觀崇寧初令建辟廡于郊以處貢士及外舍生立太學於
國以處上內舍由州郡而貢之辟廡由辟廡而陞之太學法行之初上內
舍之選未衆故外舍有校定者許留太學而無校定者出辟廡比年以來
上內舍人日以增積而太學又有國子隨行親并小學生人數已多居處
迫隘欲望降旨今後外舍生有無校定並居辟廡而陞補上內舍乃入太
學從之 八年五月二十四日詔兩學博士正錄并諸州教授兼用元豐
試法仍止試一經吏部供到元豐法進士第一甲或省試十名內或府監
發解五名內或太學公私試三名內或李試兩次為第一人或上舍內舍
生或曾充經諭以上職掌或投所業乞試並聽試入上等注博士中等下
等注正錄即人多闕少願注諸州教授者聽 九月七日尚書省言近奉
御筆在學諸生兼治內經道經兼莊子列子未有博士教導欲太學辟廡
各差通內經莊子列子二人充博士上從之 宣和元年三月十四日尚

書兵部員外郎李熙靖言臣伏見學官自正錄而上則出告辟廡命官直
學給初而已則是選任雖同而輕重頓異臣初見辟廡除命官直學因嘗
用告矣望許仍舊詔今後辟廡直學依正錄博士給告 大觀四年八月
十二日已罷命官直學尋復置指揮檢未獲 二年八月二十五日大司
成黃齊言契勘內外學因所隨親移籍學生多是體探別學人當年分數
不多遂於歲終急移名籍前去昨政和七年四月十五日雖立條法緣止
係不理歲首分數及非隨行親入學有三季以上校定候歲終本州校定
訖聽移入國子學即未該載元係隨行親及上著人移在應令入學之文
禮部契勘元永元昨隨行親移籍入太學法施行即無違礙從之 三年
二月二十日詔罷天下三舍太學以三舍考選開封府及諸路以科舉取
士州縣未行三舍以前應置學官及養士去處並依元豐舊制太學生並
撥填太學舊額辟廡舊額入太學者撥入額外依舊制遇闕填國子生及
諸內舍上等校定人願入太學者與免補試辟廡官屬並罷 三月九日
國子監言太學官吏已降指揮並依元豐法吏部供到國子監未行三舍
已前依元豐法合差太學博士一十員太學正五員太學錄五員見今員
數太學博士七員內二員係講道經於重和元年置太學正三員太學錄

三員國子博士五員國子正二員國子錄二員除講道經博士二員見別
作施行外詔國子博士正錄改充太學博士正錄 閏五月十三日吏部
言嘗取索元豐官制敕令格式將加省察而遺編斷簡字畫磨滅秩序差
互殆不可考詔元豐敕令格式令國子監雕印頒降 四年二月二十四
日國子祭酒韋壽隆言太學殊林致用等劄子有司崇飾先聖廟貌輪奐
一新仰願鑒與臨幸詔許伏閣上表陳請 三月一日駕幸太學是日先
幸祕書省進講畢幸太學御教化堂命官講說延見多士賜詔并賜御製
宣聖殿贊以祭酒韋壽隆為給事中司業權邦彥為左司員外郎轉一官
賜章服乃幸講微造士二齋徧視諸生書几至聚斂之地嘉其隸業之勤
憫其寒苦因命開府儀同三司梁師成總領重繕其舍是月四日壽隆等
拜表稱賀十一日詔以是月二日臨幸太學國子監丞簿太學博士正錄
各轉一官選人如歷任及四考與改合八官三考以下稱兩資權官文綰
三十正國子監書庫官儲兩資武學博士學諭律學博士學正轉一官選
人備兩資太學公府國子監指使各轉一官內權官文綰十正三學醫人
并與太醫助教不理選限太學釋褐守年鄭行可等九人並與諸州教授
免省試李房輔曹據丁祉並賜上舍出身釋褐學生孔端朝為係先聖子

孫賜上舍出身釋褐事人內舍外舍生已該免解並免省試內舍生何希等一十人並與免解武學免省試後殿試範約與補承職郎賜公版上舍生合赴將來省試魏之特等五人並與免省試內舍合赴將來省試郭從等六人並與免解太學職事賜帛有差國子監人吏有官資人各轉一官資無資可轉依條比換文賜諸色祇應人支賜錢一千貫文 五年十一月十四日國子祭酒蔣存誠等言竊見御注冲虛至德真經南華真經未蒙頒降見係學生誦習及學諭講說乞許行雕印頒之學校從之 七年十一月十三日臣僚言熙豐間博士未嘗除代近年以來到任席未暖而代者已至率三人而守一闕若從正錄第遷則博士可免除代與熙寧元豐無異矣所有新除太學博士胡世將周利建乞改除正錄候將來陞為博士從之 欽宗靖康元年二月十五日國子司業黃哲等以太學諸生伏闕上書上章待罪詔朝廷方開言路通下情士人伏闕上書乃忠義所激學官何為自疑可速安職仍曉諭諸生使明知之 五月十日左諫議大夫馮澥言此者朝廷罷元祐學術之禁不專王氏之學六經之旨惟其說是者取之不主於一甚或舉也今太學校試在上者或主一偏之說在下者或執一偏之見上下說說甚非開設學校教養多士之意也願詔有

司布告中外凡考核去取不得專主元祐之學亦不得專主王氏之學或傳注或已說惟其說之當理而已其有司輒敢以私好惡去取乞重賜然責從之 十八日詔太學博士督成資關

宋會要

高宗建炎三年四月十三日詔國子監併歸禮部 紹興三年六月二十

四日詔駐蹕所在國子監復養生徒置博士二員 十二年十一月十

二日詔置祭酒司業各一人 宋職官志紹興十二年置祭酒司業各一人

十二年人考成增置博士正錄參用元祐紹聖監學法外立監學新法詔

國子博士正錄通治諸府學官職從本監選舉其後監學博士正錄增減

不齊兼攝並置不一至隆興以後正錄不兼權祭酒司業並置復書庫官

又定國子博士一員太學博士三員正錄共四員學官之制始定焉 四

年置監門官一員兼管石經閣以不廢務使臣先以後相承不改 十三年

二月二十三日詔有司將元祐紹聖監學法并見行條法一處參定修立

監學新法悠久遵守從本監請也 五月十六日詔國子監生不以己未

出官權以八十人為額先是比部郎中林保育請國子監勸舍舊國子生

二百人為額內有官人不得過四十人故有是命 同日詔置國子博士

正錄各一員 六月十二日詔春秋所試教官令歸國子監一就收試先
是在京日本監有補試公試上舍發解試其教官附逐院收試自紹興二
年復試教官權附春秋銓試至是司業高閌請依舊法故有是命 七月
四日詔復置國子監書庫官一員 七月詔國子博士正錄並令通治諸
齋從司業高閌請也 十二月十日國子監狀勅會已降指揮學官閌從
本監選舉有儒行衆所推舉官由朝廷差權候正官到即罷今監見閌太
學博士一員乞差左迪功郎充樞密院編修官魏元若兼權國子正一員
乞差左從事郎充臨安府府學教授林大昂兼權太學錄一員乞差左迪
功郎新差浙西安撫司準備差使陳夔黃權並從之 十一日詔國子監
太學生並給綾紙監帖知穎州熊彥詩言竊見嘉祐治平間太學養士補
試中選者謂之監生人給監帖書以中旨右以贊詞告戒丁寧待之甚厚
當時士人有在此選皆實歲其帖傳之子孫以為榮選近於知饒州事周
紹得其父為監生時帖寫以文綾疊以監印如告身制度所撰石刻連粘
在前望下國子監依倣當時制度以給諸生以示國家待士之意上曰學
校者人材所自出人才須素養太宗皇帝置二館養天下士至仁廟朝人
才輩出為朝廷用秦檜曰國朝崇儒重道變故以來士人雖陷虜者往往

能守節義乃教育之効也上曰極是五代之季學校不修故當時士人多
無名節今日若不興崇學校將來安得人才可用耶彥詩所謂宜從之
十六年五月十六日詔國子博士正錄各置一員同日詔國子監生有
官人如習讀及一年不犯規罰自今取解外若公私試兩入等及赴部許
從本監保明申部與免銓試依格注授如或三人第二等或一中第一等
或與魁選並從本監保奏特與此附銓試格法推恩同日詔國子生免
住本貫學只今依條召京朝官二員委保如有本貫公據免召保官並補
試別為考校仍做慶曆取解例每十人取三人零分計數約取人材不足
就裁人計數聽闕五釐同日詔國子太學生依條住學及年不犯第二
等以上規罰體做補試取人分數發解仍別立號同日試文武職事官
本宗同居五服內并異居大功以上親釐務官又臣京官武臣朝官以上
本宗同居小功以上親不限已未有官並許補入學除不陞舍不許差充
職事外並依太學法過公私試聽與太學生衆同考校若所隨親替移聽
改充太學生仍通理年月試罰校定並從國子司業高閑之請也七月
十一日詔已降旨擇太學生以一千人為額今年秋試額外補中之人依
紹興十三年所降旨擇許令待闕候見闕日與參長假人對撥至科場年

許赴監依不滿年人例取應仍自來春住補候科場了畢有闕日依條掄
舉施行從本監請也 十七年十二月二十八日詔國子監書庫官今後
許禮部長貳薦舉仍理作職司收使從吏部請 二十年七月九日詔國
子監書庫官徐樞乞赴國子監取解令兩浙轉運司收試 二十七年七
月十一日詔今後太學武學每歲春季補試一次於三月內鎖院遇省試
年分即用四月立為永制 二十九年十二月二十三日詔國子監太學正
錄以四員為額舊係四員紹興二十六年添置二員至是乃有是命 三
十年正月五日詔國學進士減三年免解在法諸州進士得解省試下十
八年免解國學進士及十二年免解紹興二十八年十一月郊祀赦諸州
紹興十三年到省進士許赴紹興三十年省試係比舊法減三年與免解
其國學進士止國舊法至是改之 三十一年詔國子監書庫官減一員
紹興三十二年孝宗已即位未改元 十一月二日詔館職學官祖宗設此
儲養人材朕亦欲待方來之秀不可定員先是殿中侍御史張震言國子
監已減罷正錄二員太學博士一員書庫官一員武學諭一員今日復置
正錄是開冗官之源故有是命 孝宗隆興元年三月二十三日詔特許
開補一次其取到人候有闕撥填先是都省勘會近因臣僚上言太學每

歲補試無益事實虛今遠近之士歲歲奔走道途欲自今舉以後應省試
年分於二三月間許開補一次已降指揮依奏今歲未合補試緣赴省試
下第之人已皆留此待試詔令禮部取見有無闕額中尚書省特與開補
一次據國子監申自今即無闕額乞將學免假在假一百餘人作闕開補
故有是命 二十六日禮部言太學生邵南一等狀恭遇登極赦書應在
籍學生與免文解一次南一等於降赦日并科舉前實係在籍乞依赦給
據以憑復舉選試今據國子監申邵南一等五十七人參長假日雖有違
限降赦日並係未經除籍人數緣去年國子監以免解試詔邵南一等依
條除籍與免文解一次 七月二十六日詔國子監正錄二員併太學正
錄依舊兼領主簿一員兼書庫見任人許終滿今任已差下人依省罷法
從右諫議大夫王大寶等議也 同日國子監狀依旨指揮條具併省吏額
見管管長一名胥左五名貼書四名欲乞從下減貼書一名詔依見在人
且今依舊將來遇闕更不選補 二年十二月四日詔國子正錄今後正
行差官更不兼權 乾道元年三月七日禮部狀據國子監中太學收補
並係遵用舊法補試入學即無別行撥入條法止緣隆興元年六月內一
時指揮依士庶封事罷太學補試以諸州解發舉人赴省試下者隨闕額

多少撥入本監今指定若永罷補試止撥省試下進士即四方未曾得解
士人更無可以入學之望難以杜絕士人詞訴欲乞遵用隆興元年三月
七日旨揮候省試了畢日開補仍乞以本學在籍過省人數為額取放立
為定制委是合得祖宗舊法從之 二年六月十四日禮部言太學補試
人數很多遂致喧競欲過省試年分將當年諸州請到文解到省試下并
以前曾經得解之人許行補試仍將太學過省闕額補填取放即不得額
外別行增添名數待補國子生欲將有期親在朝作清要官請太學博士
館及監祭御史以上許縣子弟作待補國子補試別號考校外如在學太
學生遇有期親在朝作清要官却改作國子生取應仍號考校若國子生
所隨親替移亦依此改作太學生從之 四年八月九日國子監發解所
狀勘會已降指揮滿年不滿年國子太學生孤經應乞析分混試及有避
親孤經別試所牒還太院收試之人並依已降指揮止避所避之官互送
別位依次考校今來本所發解若有似此之人乞依前項已降指揮許行
附試從之 十一月十一日國子監言元許見任職事官以上牒大功以
上親作待補國子赴發解試即乾道五年國子補試合依上項待補國子
解試屬牒送施行所有召保替移許牒等事一依國子發解條法施行從

之五年四月二十二日禮部言寧國府免解進士宋必乞放行補試契
勘宋必係是藩部州軍曹該軍恩免解即係曾到省人欲此附已前得解
試下之人今赴國子監補試一次如有似此之人亦乞依此收試內有陳
乞補試不曾給到本府公據又無申撥之人乞令召保放行收試如試中
行下本州勘會或有詐冒亦乞駁放殿舉施行從之六年六月二十三
日詔太學武學生員見有闕額特與放行今年秋補一次仍不以得解人
為限並依乾道二年以前指揮禮例施行其武學增作一百人為額今後
太學闕二百人武學闕三十人取旨試補七年正月九日國子監言契
勘紹興十三年十月二十一日已降指揮補試中選學生取旨下所屬給
降素白綾紙付監依做祖宗制度贊詞書填給付照得自復興太學補中
學生其贊詞有復興太學四字今來已是與復日久乞許令本監重別改
撰贊詞書填從之三月八日著作佐郎劉煇除國子司業兼太子侍讀
率臣梁克家奏曰劉煇久在館閣以拘資格除郎不行乞稍遷擢以重官
僚之選上曰郎官外更有何官可遷虞允文奏曰國子司業見闕緣隆興
併省指揮不許添與祭酒並除上曰司業乃祭酒之貳並置何妨可特除
國子司業十一月二十三日詔國子監復置書庫官一員八年正月

二日詔應國學進士不曾請舉該軍恩免解之人後來如實得解并曾經
外路請舉後來入學該軍恩免解之人並理為一免 五月一日國子監
言據太學正錄所申到正特奏名唱名長假等共二百一十七人關額並
據湖州學生劉謙等狀伏覩朝廷常年省試後放行太學補試一次乞
早賜放行本監契勘既太學申到關額共二百一十七人欲依乾道六年
已降指揮開補施行從之 九年六月十二日中書門下省言國子博士
舊係一員太學博士舊係三員今各止一員正錄見共六員詔沈揆梁汝
永並改除太學博士其退下太學正錄關更不除人 淳熙四年六月十
五日以國子監新建太上皇帝御書石經閣成是日監學官赴和寧門外
奉迎御書先克御書石經之閣八字碑至國子監參知政事李彥穎等率
文武百官於監門外立班奉迎至閣安奉 十月三日國子監言乞下臨
安府於本府見任不釐務使臣內踏逐一員克太監監門兼管石經閣并
本學指使祇應除合支請給外日添支食錢三百文從之國子監舊有指
使一員係本監長貳奏舉小使臣先後減罷至是本監以新建石經閣故
有此請 十三年十二月九日詔國子監減貼書一人以司農少卿吳煥
議減冗書食下敕令所裁定故有是命 光宗紹熙四年四月二日國子

監補試所言承已降指揮本院有合避親之人並送別院收試若將未別
試所有避親孤經發迴大院收試之人故乞從自來試院體例止避所避
之官互送別位依公精加考校從之 寧宗嘉泰四年二月十三日吏部
言國子監中長貳歲各舉書庫官一員改官即無銜改書庫官係是獨員
其舉狀別無人撓奪緣近降指揮限年受薦竊見六部架閣官見經部陳
乞施行今本監書庫官改官事體與架閣一同乞本監長貳歲各舉書庫
一員改官免拘限年受薦之法本部竊照國子監長貳歲舉書庫官一員
既是專舉即無撓奪若拘近降指揮少有應得前項指揮之人舉員遂成
虛設乞將先次照應嘉泰三年五月二十三日指揮聽從便薦舉從之 五
嘉定七年五月二日臣僚言國家開設學校收拾四方寒俊
之士教育以成其材冀為異日之用如開近時多事燕集疊石起山鑿池
建閣修飾外觀迭務矜勝為費既廣才用易乏於是士之和參者率皆責
以苛禮貧無從出未免奔走假貸遲回數月而不敢前是豈國家教養之
本意竊聞淳熙初蕭之敏為祭酒立定初參則例偏榜爐亭頗得中制歲
月寢久更改任情但欲求多不念實害因仍成風士以為病乞行下國子
監詰訂老成檢尋舊例削去後來所增之數庶俾天下寒士獲得預選便

可參學以仰副治朝作成人材之意從之

添存管係

在首頁前

年第十六行

宋會要 監學教授

宋朝置國子監直講以掌教授至道二年邢昺張雍林錫孫奭於京朝幕
職州縣官中薦儒術該博士行端表堪充國子監直講者十人太子洗馬
張隸等試經義予學士院而命之後由年計今後清選舉通明總義

廣文館

宋會要 昭文館

復校銷

日淳化元年八月二十五日以呂祐之等直昭文館

宋會要

廣文館舊會要不載今附于國子監 哲宗元祐七年
六月十三日都省言開封府遇科場歲多有四方舉人
冒貫畿縣戶名取應及太學生員依條須在學及一年
方預就試其間有未及年之人亦不免有寄貫取應之
弊檢會舊制國子監取應舉人先於廣文館補試給牒
取應今欲復置廣文館生員令禮部立法既而禮部修
立一十幾條一開封府舉人投下取應大字限試補廣
文館生員鎖院前納畢違者更不在收接之限如有事

故服制即日拘礙若至八月一日合該投下文字者許
令家人親屬投狀召命官二員委保亦聽收接一補生
員以二千四百人為額一解額開封府一百人如投下
文字不及二千人以上即每十人聽收一名廣文館二
百四十人以補中生員每十人發解一名一試補生員
於科場歲六月五日鎖院委主司定日引試一進士願
補生員者並召命官二員委保連家狀經本貫投狀勘
會不礙貢舉條制保明給公據收執同家保狀試卷赴
國子監投納若不在本貫者經所在移大勘會其見佳
處有品官係有服之親即召承務郎以上二員保實別
無違礙聽免勘會亦給公據就試一進士殿限未滿及

因屏斥出學未及三年者並不得就補生員一試補生員三分以上為保謂非相容隱人及總麻以上親一試補生員家保狀公據試卷限鎖院前一月納畢五日前長貳集保引驗有疾故者鎖院前投狀再引一引試生員三場第一場習經義者大經義二道論語或孟子義一道習詩賦者試律詩律賦各一首第二場並論一首第三場並子史時務策一道並取文理通者為合格一緣試補生員條所不載者並依貢舉法一給生員公據國子監候封到合格名籍依籍內姓名照家狀年甲三代書鑒給付一生員公據並注鄉貫三代年甲自補中榜出後限十日各正身付監請領違限勿給一生員假

借買賣公據取應者杖一百許人告賞錢五十千一生
員若去失公據不在別給取應之限因水火盜賊毀失
者比一生員於科場年七月內齎元據赴國子監照驗
投納家狀試卷請解其公據並行毀抹如請解不中即
別聽試補一生員取原家保狀試卷國子監置簿受納
點檢卷及家狀中間如不同或不依式者退換至鎖院
日封送試院一生員所納家保狀卷首并卷紙之類並
依國子監進士例一舉人詐冒開封府戶籍取應者杖
一百許人告賞錢五十貫雖已及第並行駁放保官及
本屬官吏里鄰書鋪知情并與戶籍令詐冒者並與同
罪同保人並殿二舉一開封府舉人已於本府投下文

字更不得就補廣文館生員違者依貢舉兩處法從之
紹聖二年三月二十八日臣僚言以廣文館二百四十
人解名散於逐路解額除五路外淮浙福建荆湖川廣
等共一十三路計一百七十餘州軍逐處應舉人數不
齊若只據人數增添即一州所添甚有過多如欲徧及
即每州軍只添得一人或至兩人兼本監亦曾將外路
路就試二十五人解人處約量增添及將諸州軍人數
比較終是未得均當竊慮施行之後多寡不均鄰路比
州互相攀援今欲乞將來科場罷廣文館解額其開封
府諸科解額依照宣元豐條例存留在本州及將國子
生四十人發還國子監從之

寄奉大興
卷二第
千二百三
三引四例
志同

和會安久思院

寄業餘輯永樂大典今會要開少府監其官屬見此

文思院太平興國三年置掌金銀犀玉工巧之物金銀繪素裝鈿之飾供興筆
料寶法物器服之用數少府監監官四人以京朝官諸使副內侍三班充列有
監門二人亦內侍三班充領作三十二司打作棧作銀作渡金作鐫作釘子作
王作戒瑁作銀泥作碾研作釘腰帶作生色作裝臺作藤作板條作樣洗作雜
釘作場裏作扇子作平畫作累砌作面花作花作犀作結條作捏塑作旋作牙
作銷金作鏤金作雕木作打魚作又有額外一十作元條棧苑造作所割屬曰
鑄作裁縫作真珠作然鞋作琥珀作弓梢作打絙作拍金作珎金作剋然作計
匠二指揮提轄官一員通管上下界職事上界監官監門官各一員手分二人
庫經司花料司門司專知官秤庫子各一名分掌事務造案奉行諸官司申請
造作金銀珠玉犀象戒瑁等應奉生活文字庫經司花料司奉行計料諸官司
造作生活帳狀及抄轉收支赤曆專知官掌收支官物攢具帳狀催趕造作生
活秤子掌管秤盤收支官物庫子掌管收支見在官物門司掌管本門收支出
入官物抄轉赤曆下界監官監門官各一員手分三人庫經司花料司門司專
副秤庫子各一名分掌事務修造案奉行諸官司申請造作綾錦漆木銅鐵生
活并織造官誥慶牒等生活文字庫經司花料司奉行計料諸官司造作生活

帳狀及抄轉收支亦屑專副掌管收支官物攢具帳狀催趕造作生活秤子掌管秤盤收支官物庫子掌管收支見在官物門司掌管本門收支出入官物抄轉亦屑真宗咸平三年三月詔文思院打造內中金銀器物並送內東門司看驗交納三司所造金銀令左藏庫別將一兩赴三司封記為樣每料內鑿一隻年月工匠秤子姓名色號赴三司定樣進呈交納其支賜金銀腰束帶器物類定金分釐秤比所管工匠委監官照檢越逐功課不得輒借影占違者許人陳告景德四年八月詔文思院銷鑄金銀令本院差人員工匠赴左藏庫看煉一等金銀封樣歸院監官當面看驗別無不同即銷鑄打造及置帳別貯七等金樣每內降到金銀各差行人看驗即不得支次金雜白銀每月輪不監作員檢一名在大門與使臣搜換十一月詔文思院銷鑄所每百兩金破大耗二錢半銀破五錢大中祥符元年正月詔文思院打造銀器每百兩給木炭七秤烏梅四兩三年八月三司言文思院造梁丹使及臣僚金銀帶鐙等自今並封定造樣於左藏庫送納所責工絕弊俾從之仁宗天聖三年十二月詔皇城司差親事官四人於文思院銷鑄所把門搜檢更不差本院工匠四年二月勾當文思院李保懿言乞依拱宸門外西作例差識字親事官與在院人員同共監作主掌官物隨界交管內打銀錢鑄金五作各一人刻子技條場裏劍四作共

寄案
卷二
萬一千
二百三
三引四
綱志同

二人生色裝蓋椽洗腰帶羅釘扇于平畫硯研藤漆小木牙玉旒校糊粘結條
錯磨鐵戒瑁花面花真珠銀漆雕木二十五作共三人及依舊例令監門使臣
二人分監中大門至晚放作絕後一人止宿者却管向兩門公事七年十二月
詔文思院造作金銀生活近頻有告論工匠入外科添和金銀及諸姦弊自今
許人告捉如得金一兩支賞錢二千銀一兩支一阡神宗熙寧二年五月二十
六日詔所造未書篆玉冊寶并一行法物冊合於中書省寶合於門下省又置
只令文思院安置廳內封鎖監官提舉照管熙寧三年詔文思院兩界監官立
定文臣一員武臣一員並朝廷選差其內侍勾當並罷九年四月四日三司
上言東西兩坊雜料三千餘作併入文思院委是繁重乞添差京朝官一員通
管上下界每月合添食錢三千賞罰並依舊條從之高宗紹興元年七月十二
日文思院奏製造明堂大禮翰林司應奉器皿太常寺排辦合用朝祭冠服竹
冊祭器等及不住有拋降料次第本院上下界併為一院并撥併到東西八作
司事材場綾錦院各有造作事務繁冗又緣大禮期限逼促欲將合用物料應
承受官司並限一日應副所貴易為辦集從之八月三日工部奏文思院見造
明堂大祀法物除分學官工製造外所有合行和雇錢欲乞下戶部限日下支
給和雇趁限造作從之三年三月七日工部言本部所轄文思院舊係分上下

界兩院監官各三員內文臣一員係京朝官監門官各二員其上界造作金銀
珠玉下界造銅鐵竹木雜料生活昨在京日兩院相去稍遠以隔姦弊今本院
更不分上下界所造金銀生活與銅鐵交雜無以檢察兼又撥併到皮場綾錦
院事材場東西八作司少府監鑄印司六局共為一處事務繁冗欲乞令文思
院依舊分為上下界各差監官監門官一員庶幾各認所管事務不致交雜其
監官於文武臣內通差文臣差京朝官武臣差大小使臣自來係少府監辟差
今來少府監已併歸工部合係本部使闕辟差從中使臣十月十六日幹辦文思院
上界于琮言本院係造金銀等生活其門闕人守把搜檢出入緣在京係步軍
司差廂軍一十人每月一替欲乞依例差撥從之五年三月五日工部言據文
思院下界申見承官告院牒諸色官告萬數浩翰繫告青白然線帶子係用機
織造關少人匠織造不前今相度乞將封贈并焚黃告除四品以上及職事官
監察御史以上並用然線帶子其餘官依造空名官告料權用碧線綾帶子充
代每五十條為一料其合用工料令戶部量審支給候將來告令掃空日依舊
從之五月七日工部言近承指揮措置織造官告度牒綾除已令文思院見行
織造緣今來諸軍功賞并官告陞改支降度牒所用綾帛浩瀚應辦不前欲乞
下逐路轉運司措置織造每年共造十萬匹候及二萬匹逐旋送納仍自紹興

五年秋季為始從各六年正月七日撰給文思院上下界鄭績言代近降敕命
上自中禁下暨庶邦並不得以金為飾本院所造天寧乾龍天中聖節功德疏
金鍍銀軸銷金複帕標帶學士院取造綾羅紗及應施降料造御爐內司應奉
舊用鍍金名件祇候庫依格支給班直行門等諸色渾間金鍍銀腰帶圖書匣
合銙節度承宣觀察使以上牌印依法式合用鍍金並造隨寶冊鍍金襪子合
與不合依舊詔功便疏統軸頭標帶複帕改用生色外餘依舊制七年五月二
十四日詔寧德皇后謚寶依礼例用金鑄造先是令文思院用玉造聖文仁惠
顯孝皇帝顯肅皇后鄭氏寶二顆太常寺契勘國朝礼例諸后謚寶皆無簾聽
政用玉其不曾垂簾聽政止用金故有是詔十二年六月十四日工部言乞下
皇城司依已降指揮差撥職掌親事官四人充上下界監作祇應仍每季一替
分番止宿隸屬本部以造作金銀犀玉綾羅錦帛生活畫條貴細寶貨物色金
指覽察閱防庶幾有以革絕茲禁從之十六年三月五日詔文思院上下界共
置請納拘押官物生活官一員仍差撥密院使臣理任請給等並依本院監門
官例從權工部侍郎錢時敏請也二十六年閏十月二十四日工部言據將作
監申乞將文思院今後遇有造作緊切生活許令本院先次約度預借工物支
用若文思院輒敢將工物過正料數預借並計贓坐罪本部今勘當依所乞事

理施行所有過正料借支計贓坐罪一節緣自來開借工物候正料下日出
如有少數自合貼支如有大支數目即回納入官所乞過正料預借計贓坐罪
一節即難以施行從之十二月三日工部言據文思院界申本院近時造作諸
官司應奉生活最爲重害即日對工陳豁所支工錢低小其手高人匠往往不
肯前來就雇緣上界已免對工陳豁其下界亦令一併今欲依已降指揮立定
工限作分錢數與免對工陳豁支破工錢庶得易爲和雇手高人匠造作生活
從之三十一年四月九日權工部侍郎兼侍講黃中言文思院前後所造諸百
官司金銀腰帶束帶器皿之類從未止是本院造作成釘了當方赴元中請官
司送納及至日後添修換造却有換易并折兩重元造官司及收掌去處並不
任責暗折官物動以萬計有司無以稽考深屬未便今相度欲自後遇有諸司
申請添修換造金銀腰帶束帶器皿之類並勒令文思院合千人先就所收掌
官司當官所刻看驗秤量見得的實兩重然後赴院重別委官監視鈐銷造作
後造作了當爲鑒年月兩重監專作匠姓名訖費赴元申請官司當官交秤實
中合銀數目方得成釘如日後添修換造稍有欠折重銀兩數即勒令元收掌
官司合千人陪償重銀兩數重革前弊從之十六日權工部侍郎兼侍講黃中言昨
已詳請置置文思院造作諸百官司錢金器物令監造禮物處詳載在三間委

大典卷三
一千二百三
一引中興金
要同

太府寺官一員別勾追作匠同奉院監官監視鑊造今據文思院上界提轄監
官王依等言今年係明堂大祀年分應辦諸百官司添修換造生活數目至多
性往多是鑊造之物無奉院監官止是獨員若赴禮物局鑊造委是實妨礙本
院造作乞下戶部委官權就本院夾截作屋別行追喚作匠同共監視庶得兩
不相妨大祀了畢却行依舊赴禮物局鑊造從之孝宗隆興二年六月七日詔
禮物局併入文思院乞差人吏並罷仍委葉騷橫察措置先是侍御史尹樞上
言禮物局歲遣使所用禮物亦有定限別置一局差官每歲間結局官吏請給
酬賞費耗乞行廢罷故有是命二十七日尚書左司郎中葉顥得旨檢察措置
文思院今照得兩界法式工限經隔年深比今製造大小輕重不等合行委官
重行修正兩界監官併合難與奉院隣牆兩門司人吏緣舊例遙遷奉院手分
是致同情乞令別募有行止人申部收補不與奉院人吏遙遷並從之五年三
月四日詔文武官誥身及僧道度牒並依舊式以文思院制敕六字織造復行
舊法以工部侍郎姜說言自罷文思院制敕綾用諸州雜花綾假冒犯禁者多
乞依舊法故有是詔淳熙三年正月十七日詔內藏庫給藥庫下文思院專充
製造官告軸頭使用先是有旨自今官告院闕庫裏軸頭並令工部申取朝廷
指揮更不知行市及船司收買至是文思院申乞支隆九年三月十日詔監文

思院上界葉蒞放罷庫羅茂等並決配以本院打造禮物金銀合支工錢除
剋以充磨費且失覺察偷盜竊寺具獄未上故也五月二十六日工部言文思
院上界近興大獄尋下將作監條具措置令行革弊事件數內一項上界所管
金銀珠玉犀象等官物浩瀾全籍專副掌管本院雖有紹興十四年指揮許
行踏逐曾經庫務有行止小使臣校尉一名充專知二年為界滿無違闕減
二年磨勘小使臣校尉畏懼重難累年無人肯就止令手分時暫兼權致工匠
等通同作弊今乞照下界例從部官權於副尉內擬差專知官一名赴院管轄
所有酬賞請給等並從上界專知官已得指揮候有使臣日仍舊從之七月十
三日將作監條具措置文思院革弊事件下項一兩院造作雖有作家官工掌
管監官專副監視往往闕防不盡致行人匿偷盜今乞應入匠各令送飯不得
非時出作及令監作親事官專一在兩院作下機察監視遇晚看驗秤盤點對
數呈入庫記方得放作不得於作下別立小庫寄收如有違犯密切令監作赴
省部陳告一打造器物係臨安府籍定鋪戶一十名監視鈔銷交付作匠以免
失詐近緣前界作弊止差浮泛于今放下臨安府拘集元米鋪戶周而後始
日後遇閑從本院提臨安府踏逐撥填各正身赴院有驗一作匠入作將合用
金銀各支一色令鋪戶看驗色額秤盤過晚收作令鋪戶將器物再行看驗元

已額秤造致足方得入庫同專副封鎖一兩院各用工錢乞委官同文思院官躬親監視當官支散一兩院手分近來往往令無權專副致通同作弊乞自今並不許無權專副其秤庫子門司手分合千人等並不許親屬在院執役及作過曾經斷勒人并私名不得入院一昨禮物局製造正旦生辰禮物人使衣帶自來係戶部牒臨安府使臣院長火下及本地分都監巡警造作机察工匠今乞照應禮物局禮例每遇造作具申省監牒臨安府仍舊差撥一文思院上界打造金銀器皿自來止憑作家和雇百姓作匠承攬掌管金銀等物轄人匠造作以致作弊今乞將合用打作作頭等令本院召募有家業及五百貫以上人充仍召臨安府元籍定有物力金銀鋪戶二名委保如有作過人令保人均陪若召募未足即令籍定前項鋪戶權行隔別承攬掌管並從之九月九日詔文思院上下界拘押官就差轉運司見差指使每月依本使臣策局例量與添給錢酒十二年十一月五日前將作監朱安國條上文思院三事一侵欺失陷之弊起於轉料乞自今不得轉料仍備坐隆興二年左司郎中葉顥所立限行下御史臺條文思兩界遇有拋降造作分別繫切常程項目當日申工案照限檢舉如或留滯枉牒所隸先將承行人吏斷罪違一日者杖一百違三日者勒罷俾經由應辦官司知所警懼別立限之法可以必行一舊來拋降金銀專以

製造器皿至於給散工食則例用一色具錢故金銀出入莫非官物門頭易為
閑防近來所支工錢當是紐折金銀專庫工匠得以影帶出入並緣為奸乞令
戶部自今文思兩界除打造器物合支金銀外雇工食錢並給一色錢會支散
庶免影帶偷竊之弊一皇城司差親從官二名充本院監作每一季一替自以
與監官不相統攝動輒脅持及與合千人兵共為奸利乞自今後差親從官監
作以除去奸盜之根本並從之十三年正月二十七日工部侍郎李昌圖言文
思院昨承淳熙九年九月十六日指揮令別置金銀雇工雜物新曆抄轉自後
本院雖曾別置却迺仍舊曆過舊曆尾庫格數目是致無從稽考乞令將作監
取索本院應管赤曆逐一點對驅磨實管官物數目截日創新起置抄轉仍是
舊管文曆權行架閣庶得易為稽考從之同日工部侍郎李昌圖又言文思院
省記條格門司還貼司貼司還手分手分還押司官押司官頭名滿三年補進
武副尉過江以後不押司官其專知官係都官差撥緣此手分既無可轉補門
司又不符遞遷公事絕無希覲乞自門司而上次第遞補知副知以二年為界
通理十七年許補進義副尉庶幾人吏有所雇籍不敢冒法從者三月十日工
部言乞令文思院過支請到料次工錢即申將作監從本監轉奏承簿同本院
提轄監官監視支散於舊來循例稽留二分半工錢之內以半分給還工匠其

餘二分以頭子錢為名一分專備工匠急關借兌一分充諸雜緣公廩嘗使用
不許妄亂從私支破各置赤曆分明抄轉日書提轄監官月終申解將作監驅
磨點對給押其工匠急關借兌一分錢數正料到院日下撥還委本監常切檢
察如於已存留三分之外別有分文取剋許工匠徑赴本部陳訴從之新除將
作監何澹文思院有所謂雜支錢者每二錢一貫格留二百五十文在院謂之
二分半錢以充諸雜糜費如般擔脚乘補填折閱額外庸雇緩急備設非時修
整之類皆是緣公之費勢不能免乞將上件錢以半分給還工匠二分存留在
院下工部勘當而有是請閏七月二日詔文思院上下界併為一門出入以上
界監門充外門監官下界監門充中門監官從工部侍郎李昌國請也十月六
日令本院上下界叩併為一面以文思院印為文提轄掌之兩院門記併為一
面以文思院門之記為文大門監官掌之十四年四月七日文思院言一歲合
織綾一千八百匹用絲三萬五千餘兩近年止蒙戶部支到生絲一萬五千兩
或二萬兩止可織綾八百餘匹每遇大典禮恩賞出給告命擁併遂行陳情用
雜花綾紙乞歲支生絲三萬兩織造綾一千五百餘匹從之九月二十九日詔
文思院上界減巡防兵士二人下界減造作工匠五人大門兵士二人先是上
界專知官一人手分二人庫經司魚花料司一人秤子一人庫子一人工匠一

十三人巡防兵士六人下界手分三人庫經司兼花料司一人門司一人秤子一人庫子一人鑄印司篆文官到篆文官各一人鑄印司工匠三人造作工匠三十三人大門兵士十人於是司農少卿吳與請減冗食下敕令所裁定而有是命紹興三年五月二十六日提轄文思院林復言本院舊差皇城司親事官四名守把搜檢不合使之監視打造逐致反有偷盜因而罷去見今止令臨安府廂軍守把無足倚伏工部將作監看詳差皇城司兵士四名專一搜檢兩門出入其食錢欲於兩院一分雜支錢內依史館把門親事官例支破所有見差步軍司臨安府守把廂軍欲依舊存留充兩門守把遇夜巡防從之嘉祐四年七月十六日臣僚言古人設官分職有長有屬非徒以備數也今四提轄官所以提財貨出納之權居長者不顧其事為屬者專其權於已此其為弊久矣姑以文思一院言之凡所製造出入監官自專而轄長若無聞焉上而曰即日監止憑文移無所參驗甚非祖宗創立提轄院官之意今欲乞將見管金銀錢物令轄長照元管實數點檢應干錢物出入先經轄長判押然後同共支散凡有造作器皿提轄官不時下院點檢其提轄官不能悉心舉職亦乞嚴加責罰若是則監官得以自明轄官不為虛設自餘三制轄未免間有此弊乞併令提轄官主其綱領從之

宗會要

西內染院 在金城坊舊日染坊太平興國三年分爲東西二染院咸平六年
有司上言西院水宜於染練遂併之掌染練帛條線繩革紙藤之屬以京朝
官諸司使副內侍一人監別以三班一人監門領匠六百十三人 西染色院
在金城坊掌受染色之物以給染院之用太平興國二年置東染色庫三年
又置西染色庫咸平二年省東庫以京朝官及三班二人監兵士十七人大宗
淳化元年七月詔染院染帛除內中取索仍舊以紅花染外自餘並給蕪木真
宗咸平二年正月詔每年染院端午冬衣十月一日承天節春衣五料自今三
司自二月一日後預將五料數目支付依次出染至八月終管足四年七月詔
染院染物須依元定料例染就下得增減物料如偷充抵換提獲及陳告得如
賊驗明白者杖配外州 大中祥符八年三月詔都大提舉諸司庫務司取元
併染院文字看詳及親相視見今染院及三司乞移入舊東染院利害件析以
聞當司相度東院舍屋數少地位窄狹染蒿場并工匠營房相去遙遠俱不便
近欲只就西院開水池所五五所置斗門放水充洗濯物帛過使即開斗門夜
間下棧鎖閉本院內金水河兩岸即初置短牆遮護不許放入濁汚河水遂勒
本院相度據事與軍員其匠聚狀稱若開小池置斗門放水洗濯足致過水渾

濁退入護龍河放清水常程染練日一兩度換水大段染練日須至三度換水約使金水河五十分中一二分以速委不悞事亦無礙水顏色相犯櫃水河一道長二十二步深四尺濶三尺洗澤足設池五所各長二丈五尺闊六尺深五尺放水深一尺五寸退水渠一道長五十二步深七尺濶四尺內二十二步搭臺今相度只搭闊二尺護河牆百二十六堵各五尺東院地位窄狹河水細小西院去請柴蒿場務速者五里已下日般三五轉人匠不被功東院則近無柴蒿場去城西諸場務請柴蒿約十二里至十四里有零日般一轉西院工匠至本院約一里已來東院營往迴約二十八里每日守門去辰時方到申時放作自時到營如是放地邊門不及無處安泊又提壕寨計料到開掘櫃水河洗澤池退水渠并護河牆料舊金水河約後千七百九十八工諸作約使條磚九萬一十二百口方磚四千口斗門一十一座約使金口石柱子二十二條各長五尺徑一尺二寸座子石二十二段各自方一尺五寸厚五寸殿柱石二十二段各長二尺闊一尺二寸厚五寸約使栢連長三十五條栢木二條泥飾蒲河小牆使步道六十三束已上除諸作約計到功料共三千七百四十五工並從之神宗熙寧二年十月四日三司言監西染院皇甫宗憲等言竊見在京見青漬汚所銷第一等浙絹每疋一千二百至四百絲絹每疋只一千已來顯是

受賜之人皆願生帛無者官中廖膏人工材用今後如遇支賜諸般例物衣服絲絹如願請生帛者即乞換支漬污及第一等浙絹實為官私之便從之

宋會要 綾錦院

綾錦院在昭慶坊乾德四年以平蜀所得錦工二百人置內綾院太平興國二年分東西二院端拱元年合為一以京朝官諸司使副內侍三人監領兵匠三十四人太宗辛酉綾錦院命近臣民觀織室机杼咸平元年令改織絳真宗大中祥符六年十一月詔綾錦院月供物料帳除前帳如見在依舊預計外別立項具某月日至某日織造若干數於某庫送納長闕斤重料例不須更替應有神宗熙寧七年十月五日詔裁羅綾錦院工匠仍候額內有闕即令本院勘會酌實合要造作得力人却申三司勾抽歸院填闕如或非汎生活即須先於差出閑慢處抽那不足方申三司權抽造作了日發遣歸本處

宋會要 文錦院

崇寧三年三月八日試殿中少監張康伯言今朝廷自乘輿服御至於賓客祭祀用繡皆有定式而有司獨無纂繡之工每遇造作皆委之閭巷市井婦人之手或付之尼寺而使取直為今銀鍊織絳紉縵之事皆各有院院各有工而於繡獨無欲乞置繡院一所招刺繡工三百人仍下諸路選擇善繡匠人以為工

師候教習有成優與酬獎詔依仍以文曠院為名

宋會要 裁造院

裁造院舊在利仁坊後徙延康坊掌裁製衣服以供邦國之用初有針線院左藏庫有縫造針工給裁縫之後乾德四年始置此院以京朝官三班內侍二人監別以三班一人監門頭匠二百六十七人真宗景德三年三月詔罷裁造院執針女工本院所管什物每季作帳上三司七月詔諸王宮院所占工匠定名差往不得替換大中祥符三年七月詔裁造院於步軍司抽剩員二十人巡宿看管官物逐相覺察每季一替舊十月一界差剩員為俸疊衣物者不須別差五年二月詔裁造院自今應承受房卧及繡造物色本院繡造不逮者分於奉節指揮及百姓繡戶支工錢令繡造即不得抑勒差配更不令三尼寺繡造須監官當面支散工錢無縱減刻其皇城司所繡生活供內降細繡止令裁造院置了當即不得影占繡匠八年閏六月賜裁造院人員絳錢先是本院言自來每三年一界交割為賜絳錢今已四年乞依例給放有是賜仁宗天聖三年四月詔裁造院自今止絕官俸不得就本院幫請衣服段子止將逐節界造到衣服領民共作五限交納